

فريق التفريغ بموقع الطريق إلى الله

يقدم

**من برنامج "رمضان قرب يلا نقرب ٣"****بين الخوف والرجاء**

(باللهجة المصرية)



لفضيلة الشيخ: غريب رمضان

رابط المادة: <http://way2allah.com/khotab-item-132066.htm>

السلام عليكم ورحمة الله وبركاته

أحبابي في الله، أنا عايز صورة نتصورها ونتخيلها؛ طائر ضخم يُخلق في السماء، وبعدين فجأة اتصاب، زي مثلاً؛ رصاصة جت عليه، خبط في شجرة، خبط في عمود عالي، فاتكسر جناحه، وبعدين بعد شوية لقينا بعد ما عدى الموقف ده، الطائر -تصور كده معايا- هل هيستمر يخلق وهو فرحان وسعيد؟ ولا مصيره إيه بالضبط؟ مصيره الختوم هتلاقي الطائر نزل نزل نزل لغاية ما وقع على الأرض، وقع على الأرض، وخلص انتهى، هو حياته في التحليق، حياته في الطيران. وهكذا المؤمن؛ المؤمن يطير في سماء الإيمان بجناحين؛ الجناح الأول: الخوف، الجناح الثاني: الرجاء. لو أحد الجناحين اتكسر -عياداً بالله- مش هيعرف يخلق في سماء الإيمان، لو إنسان الخوف عنده اتعدم، مش هيطيع ربنا، مش هيجد رادع يرده عن المعاصي، الإنسان لو الجناح الثاني اللي هو جناح الرجاء اتكسر معدش فيه رجاء، هيجيله إحباط ويأس وقنوط، وهينقطع عن السير إلى الله -سبحانه وتعالى- والإيمان في قلبه هيموت.

**إذا تيقنت أن الذنوب ستهلكك لن تُقبل عليها**

يبقى هما اتنين لا بد منهم: الخوف؛ إن الإنسان يمشي في هذه الحياة خايف من ربنا، خايف من ربنا إزاي؟ يعني إيه خايف من ربنا؟ خايف إنه يعصي ربنا، خايف إنه يموت على سوء خاتمة، خايف إنه يقف أمام الله -عز وجل- فيسأله وليس له حُجة، هيقول إيه لما ربنا -عز وجل- يسأله ويقول له: يا عبدي لم فعلت؟ هيقول إيه؟ فين الحُجة؟ خايف من ربنا -سبحانه وتعالى-. والخائف أيها الأحباب الكرام، أنا عايز أضرب لحضراتكم مثل، تصور كده أكثر حاجة بتحبها إيه؟ يعني أكثر حاجة بتحبها؟ آيس كريم مثلاً؟ هات كده أنصف آيس كريم بتحبه وبعدين خلاص الآيس كريم إنت بتحبه أهو قدامك، وبعدين فيه حاجة تانية، آيس كريم تاني بس فيه سم، مُسمم، ملوث، بقى خارج الصلاحية، هتاكله هتمرض، تاكل تاني منه هتمرض أكثر، تاكل تالت منه هتموت. هيبقى عندك شهية للآيس كريم ده؟ مستحيل. ليه مستحيل؟ لأنك تيقنت إن الآيس كريم ده هيقولك، هيموتك، فعملت إيه؟ فكرته. طيب لما تجد الذنوب جميلة، الشهوات مبهجة، الشهوات بتدخل على الإنسان بهجة، لما تعرف إن ربنا -عز وجل- حرمها، لما تعرف إن هي تقتل الإيمان في قلبك، لما تعرف إنها هتخليك تستحي من الله، ويقولك الخجل والحياء أدام ربنا، لما تعرف إن مصيرها هتوديكي النار، يبقى الإنسان السوي الخائف مستحيل هيقبل عليها، هيكرها، ده مثل الخائف.

**الخائف حقًا هو من يخاف حينما يتعرض للمعصية**

وقديماً قال أحد الصالحين: "ليس الخائف هو الذي يبكي ثم يمسح عينيه"، يجيب منديل ويمسح عينيه، "ولكن الخائف هو من يترك معصية الله حينما تُعرض عليه". مش الخائف اللي حوالين الكعبة ييطوف ويعيط، مش الخائف اللي في صلاة التراويح والتهجد والدعاء يعيط، ده ممكن يكون خائف، إنما مش يقيناً هو الخائف، إنما الخائف لحظة تشخيص، خائف حينما يتعرض للمعصية، الخوف.

**يجب أن تعرف ماذا تريد وكيف تصل إلي هدفك**

**الجناح الثاني: الرجاء.** الرجاء، حسن الظن في الله، طمعان في رحمة ربنا، "وَيَرْجُونَ رَحْمَتَهُ وَيَخَافُونَ عَذَابَهُ" الإسراء: ٥٧، الجناحين دول لازم لأي مؤمن أن يُخلق في سماء الإيمان بهما، يرجو رحمة ربنا، بس اللي بيرجو حاجة لازم يكون بيحبها، لازم يكون موقن من حدوثها، لازم يكون يبسلك الأسباب اللي توصل إليها، لو واحد بيرجو، أنت إيه اللي إنت بترجوه في الدنيا؟ عايز تتجوز واحدة مثلاً معينة؟ لازم تكون بتحبها، ولازم تكون بتاخذ بالأسباب اللي توصلك ليها. بترجو شهادة مثلاً؟ لازم تكون مؤمن بالشهادة دي ومقتنع بيها، وبتحب الشهادة دي، ولازم تكون بتذاكر علشان توصل لها. عايز مثلاً دورة في الجودة؟ دورة في كذا؟ نفس القصة تكون مؤمن بقضية الجودة، لازم تكون بتسلك السبيل، بتذاكر، بتدفع من مالك، علشان توصل للحاجة دي. دي مسألة الرجاء، رجاء الإنسان، يبسلك السبيل الذي يوصل إلى الشيء.

**رجاء رحمة الله في لحظة الموت**

وأنا عايز أقول لحضراتكم موقف مؤثر جداً جداً، سيدنا معاذ بن جبل لما أصابه الطاعون وهو في لحظة الموت، في لحظات الموت، لما طُعن يده، فَشَلَّتْ، فكان يرفعها بيده الصحيحة ويُقَبِّلُهَا ويقول: "مرحباً بالتي تذكرني بلقاء ربي - عز وجل-". ولما اشتدت السكرات بمعاذ بن جبل قال لربه: "اللهم إني كنت أخافك، اللهم إني كنت أخافك وأنا اليوم أرجوك، وأنا اليوم أرجوك، اللهم إنك تعلم أي ما أحببت الدنيا لجري الأنهار، ولا لغرس الأشجار، ولكن لظماً الهواجر، ومكابدة الساعات"، ظماً الهواجر: يعني الصيام، مكابدة الساعات: يعني القيام، ومزاحمة العلماء بالركب دي رقم ٣: العلم، ثم لما اشتدت أكثر السكرات عليه قال: "أخفق خنقك فوعزتك إنك تعلم أن قلبي يبك"، أن قلبي يبك، بيرجو رحمة ربنا، قلبه مليون بحب ربنا، سلك السبيل طول حياته اللي يوصل لجوار ربنا في جنة النعيم.

## الخواتيم ملخص الحياة

النبي -عليه الصلاة والسلام- يا أحبابي حضر شاب من الشباب وهو يحتضر فيسأله، يقول له: كيف تجددك يا فتى؟ إنت أخبارك إيه دلوقتي؟ أخبارك إيه يا بني دلوقتي؟ وهو يموت، كيف تجددك يا فتى؟ فقال: أخاف ذنوبي، وأرجو رحمة ربي يا رسول الله. فقال النبي -صلى الله عليه وسلم-: ما اجتمعن في امرئ في مثل هذه الساعة إلا آمنه الله مما يخاف، وبلغه ما يرجو، آمنه مما يخاف وبلغه ما يرجو، الحديث: "دخل النبي -صلى الله عليه وسلم- على شاب وهو في الموت، فقال: كيف تجددك؟! قال: أرجو الله يا رسول الله! وإني أخاف ذنوبي، فقال رسول الله -صلى الله عليه وسلم-: لا يجتمعان في قلب عبد في مثل هذا الموطن؛ إلا أعطاه الله ما يرجو، وآمنه مما يخاف" حسنه الألباني، إن الإنسان يعيش حياته؛ لأن الخواتيم بتكون عبارة عن ملخص الحياة، عن ملخص عيش القلب؛ فاللي عاش حياته بالخوف والرجاء، هيختم ليه بالخوف والرجاء كهذا الشاب.

## يجب أن نسلك الأسباب لنصل إلى رحمة الله

الإنسان يرجو، وأؤكد على هذا المعنى -أيها الأحباب- لئلا يغتر إنسان، اللي يرجو رحمة ربنا بيسلك الأسباب الموصلة، اللي يرجو الجنة بيسلك الأسباب الموصلة، والإنسان لما يعلى معاه الرجاء في ربنا -سبحانه وتعالى- بيبكون يصل لرجاء المشتاقين، وده كلام عالي أوي أوي؛ رجاء المشتاقين اللي زي معاذ بن جبل، رجاء المشتاقين الذي قال الله -عز وجل- عنه "فَمَنْ كَانَ يَرْجُو لِقَاءَ رَبِّهِ" الكهف: ١١٠، اللي قلبه مليء بالشوق إلى الله -سبحانه وتعالى-، مليء بالشوق إنه يرى ربنا -عز وجل-، "فَمَنْ كَانَ يَرْجُو لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا" الكهف: ١١٠. يبقى يعمل؛ اللي يرجو يعمل، اللي بيخاف يعمل، اللي بيخاف يترك الذنوب، واللي يرجو يعمل الطاعات، جناحا طائر بهما يُحلق.

## الخاتمة

كلمت حضراتكم عن جناحي الإيمان: **الخوف والرجاء**، يارب ارزقنا العمل وارزقنا أحسن خاتمة مع الخوف والرجاء، يارب اجعل آخر لحظة في حياتنا رجاء المشتاقين.

بارك الله فيكم، وكل عام أنتم بخير، ورمضان قرب يلا نقرب، أحبكم في الله، والسلام عليكم ورحمة الله وبركاته.

تم بحمد الله

شاهدوا الدرس للنشر على النت في قسم تفريغ الدروس في منتديات الطريق إلى الله وتفضلوا هنا:

<http://forums.way2allah.com/forumdisplay.php?f=36>